

水痘

小兒痘瘡有正痘與水痘之不同新安張季明云其瘡皮不薄如赤根白頭漸漸赤腫而有膿差遲者謂之大痘此裏證發於臟也其瘡皮薄如水泡破卽易乾而出無漸次白色或淡紅泠泠有水漿者謂之水痘此表證發於腑也亦與疹子同又輕於疹發熱一二日而出出而卽消易出易靨不宜燥溫但用輕劑解之麥湯散主之羌活散消毒飲麥煎散俱可服又當服大連翹湯以解之如心悶煩躁發熱及大小便澀口舌生瘡者通關散主之水痘夾黑出來黑

水流或手足冷者前胡甘草生地玄參連翹茯苓木
通蟬蛻麥門冬川芎陳皮當歸生薑水煎服

麥湯散 治水痘

地骨皮

滑石

甘草

各半錢

甜葶藶

麻黃

大黃

知母

羌活

人參

各壹錢

右剉散水一盞每服二三錢小麥七粒煎六分不
拘時溫服分二貼

麥煎散

治小兒夾驚傷寒吐逆壯熱表裏不解氣

麤喘急面赤自汗或狂語驚叫或不語無汗及癰

疹遍身赤癢往來潮熱時行痲痘疹子餘毒未盡
渾身浮腫痰涎咳嗽或變急慢驚風手足搐搦眼
目上視及傷風頭疼並治之

滑石

地骨皮

赤芍藥

石膏

白茯苓

杏仁

知母

甘草

葶藶子炒

人參

麻黃

豉兩半

右爲末每服一錢麥子煎湯下如初生芽兒感冒
風冷鼻塞身熱噴嚏多啼每一字用麥子煎湯調
下一方去地骨皮滑石加羌活川芎薄荷煎湯調

下

羗活散 初熱

消毒飲 即牛蒡荆芥甘草三味

大連翹湯 便悶

通關散 便悶

按水痘今小兒患之者大率無害如無內證不必服藥無事生事也前後四方不為輕劑非熱甚不解二便秘澀煩悶不寧不宜輕服

麻疹

麻疹浮小而有頭粒隨出卽收不結膿疱北人謂之
糠瘡南人謂之麤瘡吳人謂之痧越人謂之瘡古所
謂麻聞人氏所謂膚疹是也與前所謂脾爲疹者不
同小兒有出一二次者出輕而日數少者名奶疹子
出稍重而日數稍多者名正疹子又出於痘前者名
奶疹子出於痘後者名正疹子初出亦與痘瘡相似
但痘發於臟麻發於腑臟屬陰其病本深故難出難
收而藥於溫平爲宜腑屬陽其病本淺故易出易收
而藥於清涼爲宜 萬氏云痘大而焮腫者少陽三

麻疹
焦火也陽道常饒故大而腫疹小而碎者少陰心火
也陰道常乏故小而密三焦水穀之道路脾胃主納
水穀治痘專以脾胃爲主心肺屬陽而位乎上心火
旺則肺受之治疹專以肺爲主觀其咳嗽者火炎則
肺葉焦舉也鼻流清涕者鼻爲肺之竅以火爍金而
液自流也目中淚出肺熱則移於肝肝之竅在目也
或手搯眉目唇鼻及面者肺熱證也 按既是心火
刑肺金卽是賊邪其證當重何反輕於痘余每治麻
疹但據見證以瀉白散加減大劑投之卽至危困之
證無不愈者其也詩師用苦寒降火辛溫發表而貼

於危亡者不可勝數安在其爲心火刑肺也 春溫

夏暑秋清冬寒此四時之正氣也冬應寒而反溫陽

氣燄泄火令早行人感之者至於來春必發瘡疥未

出痘疹者必感而出雖曰胎毒未有不山天行者故

一時傳染大小相似但見疹痘之出卽宜先服三豆

湯代天宣化丸二方俱見前預防以預解之 麻疹初出全

類傷風發熱咳嗽鼻塞面腫涕唾稠粘全是肺經之

證有末傳泄利者有一起卽兼泄利者肺與大腸相

表裏表裏俱病也惟不可觸冒風寒及於正蒸熱時

嗽食能變輕爲重不可不慎 麻疹形證亦同有如

本

發風癰疔瘡擁起如雲頭色赤成瘰隨見隨沒者有
如粟米頭粒三番俱見而不沒至三日後方收漸沒
者然皆謂之麻疹其於欲出未出之際當用發表之
藥發之則易出易愈也 麻疹有發熱至十餘日始
見者大抵主在發散肺經之熱毒者始事也調理補
養病後之元氣者終事也其間或兼風或兼痰或傷
食竝隨宜加對證之藥其有變證卽隨病用對證之
藥要不亂投湯劑則兒無事矣 疹喜清涼痘喜溫
煖此法人皆知之然疹子初出亦須和煖則易出所
以發苗之初只要發出得盡則毒便解非若痘必苗

而秀秀而實而後毒解也痘子成實之時若大溫熱則反潰爛不收是痘之後亦喜清涼也故治痘疹者無過熱無過寒溫涼適宜陰陽自和是爲得之

初發

痘疹發熱之初多似傷寒惟麻疹則咳嗽噴嚏

鼻流清涕眼胞腫其淚汪汪面浮腮赤或嘔惡或泄利或手掐眉目鼻面此爲異耳輕者以瀉白散合三味消毒散主之重者以金沸草散主之兼泄利者合升麻葛根湯以白芷代葛根此余創立治法用之無不効者卽十分危證守而勿失終於必濟每見諸書所定方類皆苦寒辛涼發表之劑不盡對證對經恐

有誅罰無過之失用者詳之 大抵疹欲出已出之

際雖寒勿用桂枝雖虛勿用參朮雖嘔而有痰勿用

半夏南星 大忌認作傷寒妄汗妄下汗之則增其

熱爲鼻衄爲欬血爲口瘡咽痛爲目赤痛爲煩躁爲

大小便不通下之則虛其裏爲滑泄爲滯下多至不

救慎之慎之 萬如手足稍微冷惡寒而無汗面色

青慘而不舒左額有青紋者傷寒之熱也手足稍微

溫發熱有汗面赤而光者傷風之熱也並宜惺惺散

痘初發散之目胞腫而右頰有青筋發熱而頭額腹

肚最甚或兼嘔吐腹疼者傷食之熱也備急丸痘初

下之面色青紅額正中有紋手掌心有汗時作驚惕

手絡脉微動而發熱者此驚熱也瀉青丸肝牛黃清

心丸痘煩主之身熱而倍能食唇紅頰赤大小便秘

脇下汗者此風熱也宣風散主之痘發熱已上諸熱久

而不去內外感發則所蘊瘡疹之毒亦能乘間而出

矣疹子只怕不能得出若出盡則便毒解故治疹

子者發熱之時當察時令寒暄以藥發之如時太寒

以桂枝葛根湯發之太熱以升麻葛根湯俱痘初熱合人

參白虎湯發之痘渴不寒不熱以荆防敗毒散發之

痘夾疹如兼疫癘之氣以人參敗毒散發之痘初熱如盡

疹初熱

一劑不出再作本湯發之外用胡荽酒見形以苧麻

蘸酒遍身曼之務令亟出如三四作更不出加腹中

脹痛氣上喘促昏悶譫妄者必死證也

瀉白消毒散

桑白皮

地骨皮二味自探鮮者各叁錢

牛蒡子炒研

荊芥穗各壹錢半桔梗

甘草各壹錢

浮萍曬乾貳錢

右為麤末每服三五錢水一盞煎六分濾清服

加味金沸草散

旋覆花去梗

麻黃去節水煮前胡去蘆各

荊芥穗

壹兩

甘草

炙

半夏

湯泡七次
薑汁拌炒

赤芍藥

各伍錢

鼠粘子

炒

浮萍

各柒錢

右為末每服三錢生薑二片薄荷葉三五片煎

防風解毒湯

如溫煖之時以此
辛涼之藥發之

防風

薄荷

荊芥

石膏

知母

桔梗

甘草

牛蒡子

連翹

木通

枳殼

淡竹葉

黃連解毒湯

如臍熱之時以此
辛寒之藥發之

防風

黃芩

黃連

荊芥穗

知母

石膏

黃檗

酒炒

梔子仁

大青

玄參

甘草

桔梗

木通

桂枝解毒湯

如大寒之時以此
辛溫熱之藥發之

桂枝

麻黃

酒炒

赤芍藥

防風

荊芥

羌活

甘草

桔梗

人參

川芎

牛蒡子

生薑

升麻解毒湯

如時煖時寒以此
辛平之藥發之

升麻

乾葛

荊芥穗

人參

柴胡

前胡

牛蒡子

桔梗

防風

羌活

赤芍藥

淡竹葉

連翹

甘草

右方雖曰因時制宜亦不可拘泥如冬月亦有不
宜麻桂而宜石膏者正當以脉證為主耳若株守
而不知通變必有失不如用首二方之爲妥當也
發熱六七日以後明是疹子却不見出此皮膚堅厚
腠理閉密又或爲風寒襲之曾有吐利乃伏也急用

托裏發表之劑麻黃湯調聖葉散發之外用胡荽酒
見形蘸麻刮之如一向未更衣者毒甚於裏伏而不
出也以七物升麻丸解之發之解之再不出者死證
也

麻黃湯

麻黃去根節製過

升麻

牛蒡子炒

蟬殼洗淨去足翅

甘草各壹錢

煩渴加石膏末肆錢

右剉細加臘茶葉一錢水一盞煎七分去渣服

聖葉散

檉亦名西河柳亦名垂絲柳青茂時採葉曬乾爲末每服一二錢茅根煎湯調下

疹子初發熱時未見出現咳嗽百十聲不止上氣喘急面浮目胞腫宜甘桔湯消毒散瀉白散三方合用內桑白皮採鮮者多用熱盛煩渴加石膏末知母黃芩天花粉

疹子發熱或自汗出或鼻衄者不須止之亦發散之

義汗則毒從汗散衄則毒從衄解但不可太過如汗

太多人參白虎湯

痘渴

合黃連解毒湯

痘煩躁

或黃連

湯主之衄太多玄參地黃湯

失血

茅花湯主之